

TE HEHEURAA API

I neia i te piha neneiraa Univereti i Roto Miti i Utah no te Ekalesia a Iesu Mesia i te Feia Mo'a i te Mau Mahana Hopea Nei i Papeete, Tahiti, i te mau fenua Sotaiete, i te mau avae atoa.

Nu. 10

Atoba, 1918

Mat. 12

“Te oaoa nei hoi tau varua i te himene no te aau; oia ia, te himene no t efea parau-tia e pure ia te reira ia'u nei. E itehia mai hoi te reira i te haamaitai i nia i to ratou ra mau upoo.” B. F. 26:12.

IA VAI TE RE?

E mea tahito roa ia te ohipa tama'i. Mai te matamua mai â te mârô ta te ino i te maitai, e te maitai i te ino. I te ao o mua i teie ua mârô atura te mau varua ino i te mau varua maitai, e tupu atura te taputôraa rahi roa, a hurihia'i te tufaa toru i rapae au, i te mea ua pee ratou ia Satani, te raatira rahi no te mau varua ino o tei patoi i te Atua e ta'na opuaraa faaora tia ra. Apok. 12:7-9. Te hinaaro ra Satani e faaora i to te ao i te puai, eiaha i te aroha. Te hinaaro ra oia ia noaa to ratou maitai i raro a'e i to'na ra faaheporaa, eiaha i raro a'e i te tiamâ. Te hinaaro ra oia ia riro te taata mai te tîtî te huru e vî ai i te mata'u, eiaha ei feia tiamâ e tia'i ia rave i te maitai e te ino e au i to ratou iho mana'o. Aita to'na ra ravea faaora i fariihia e te Atua i roto i taua apooraa no te mau Atua ra, tupu atura to'na riri, orurehau ihora oia e te tufaa toru no te ra'i atoa i pee mai ia'na ra, e ua hurihia ratou atoa i

rapae au. Ua riro te rê i te Atua e i te mau varua i pee mai Ia'na ra.

Mai te matamua mai â hoi i roto i teie nei ao ua mârô te ino i te maitai e te maitai i te ino. Ua tama'i pinepine ia e tae roa mai i teie nei tau hopea, a tupu atoa'tura hoi te taputôraa rahi roa faito ore. Hoê â ia hoi te tumu mârô-raa, oia hoi te tiamâ. E teie nei te hinaaro nei te Purusia e faaore i te tiamâ e ia auraro to te ao nei ia'na ra noa'tu to ratou iho au-ore-raa i te reira. Ua opua"era oia e te mau basileia e pee ia'na ra e faarahi i to ratou mau basileia e faaaano i to ratou mau otia, e faateitei e e faahanahana hoi ia ratou iho i mua i te aro o te taata nei ia hi'ohia ratou e to te ao ma te mehemeha i roto i te aau. Tera to ratou otoheraa, oia hoi te parau nei ratou e, ua hau to ratou ravea haapiiraa taata (Kultur) i te mau ravea haapiiraa atoa i te ao atoa nei. No reira ua opua ihora ratou e faariro ia ratou iho ei puoo no to te ao, e te feia'toa e ore e pee noa ia ratou, na ratou ia e putô ma te 'o'e e te pupuhi.

E riro anei te rê ia ratou ra. Eiaha roa ia, E ore te Atua e faatia ia upootia te mana'o faatîti ra, Aita to ratou ravea faaoraraa taata e au i to te Atua opuaraa. No reira e hemo ia ratou ra e e riro te rê i te feia e tauturu i te Atua i te faariroraa i te taata nei ei feia tiamâ e i te faatiaraa i te parau tia. Ua hope te tau no te mau basileia faatîti taata ra, e ua fatata roa te taima e ho'i mai te Mesia ei Arii no te mau arii, e parahi ai te taata ma te hau i raro a'i i to'na iho vine e i raro a'e i to'na iho suke, a amu ai hoi i te hotu mai te haapeapea-ore-hia. Dan: 7:13, 14. Apok. 20:1-5.

Ei te pae Atua tatou, ei te paeau hoi no te parau-tia ra. A faaitoitohua hoi ia upootia te tiamâ i te ao atoa nei.

—*Farani Tuterera.*

TE MAEHAA NO TE TAMA'I

Aita e navai te maa i faaapuhia i roto i te hau Beritane e I Farani e i te mau basileia hoi i fatata mai ei faaamu ia ratou iho. Hoê noa iho ravea e paia ai ratou ra, oia hoi ia fautahia te maa i nia i te mau pahi no ò mai i te mau fenua êê. Te ite nei te Purusia i te reira, e no reira te opua ra oia e faatomo roa i tua i te mau pahi atoa, e ore ai e navai ai te pahi ei faauta i te maa mai Amerika atu, e roohia mai ai to Beritane e to Farani e to raua mau au tahoê i te o'e e te paruparu poia. Te mana'o nei te Purusia e na roto i te faatomoraa pahi e paruparu a ito Beritane e to Farani ma i te maa ore, e hemo ai ratou ra.

Nafea tatou nei o te ore e tae i roto roa i te tama'i? Hoê noa iho pahonoraa e au ai, oia hoi, a *faaapu a faaapu, a faaapu a faaapu â hoi* i te maa. A faarahi roa i te faaapuraa maa, a *faarahi roa'tu â hoi*.

Eiaha e faaea i te faaapuraa, ai pohe to te ao i te o'e. Eiaha te hoê taata ia rave haamarirau noa i te ohipa faaapuraa maa i te mana'ora e ore oia e roohia mai i te o'e maa.

E roohia mai ia to te ao i te o'e. Ua oti ia i te tohuhia. Ua faaarahia e ua faaite-atea-hia hoi tatou i te reira Mat. 24:7. Eiaha hoi ia haamana'o tatou ia tatou iho ana'e, a haamana'o râ hoi tatou i to tei ati i te poia i teie nei i te mau fenua i faanohia i te tama'i. Te tama'i e te o'e maa, na maehaa ia. Te tere apipiti nei ia raua i tera fenua i tera fenua. Na maehaa ia raua no te pohe.

Ua poroikia tatou ia riro ei feia faaora i nia i te mou'a ra o Ziona, eiaha i te pae varua ana'e, i te pae tino atoa râ. E no reira a faaamu tatou i te feia poia i Europa. Ia riro tatou ei mau metua faaamu no ratou ra e tia'i. Eaha te ravea e tia'i i te feia maohi i te mau fenua moana e faaamu i to Europa? Tena na ia; eiaha te feia moahi e amu i te faraoa, te samano, te puaatoro e te mau maa punu; a vaii-

ho râ i te reira ia faautahia i Europa, a amu ai i te uru, te fei, te i'a te taro, te umara, e te mau huru maa e pê vave, e vaiiho mai ai i te mau huru maa paari o te ore e pê vave ia faautahia i tera pae mai i te miti rahi ra ia faaamuhia te feia i Europa o te ere i te reira.

Te na reira nei matou i Roto Miti, e ia na reira hoi outou i te mau fenua moana e tia'i. Ua faaara-pinepine-hia te feia mo'a e Birigama Iouna e to'na ra mau mono ia haapue tatou i te sitona ei faaineineraa no te tau a'e e tae mai, e no reira ua tausani te pute sitona i faautahia'tu i Belgiu-ma, i Serebia, i Beritane e i Farani e i to mau fenua i fatata mai. E teie nei, ua fatata mai te tau o'e, mai tei tohuhia. A rohi, a faaitoito tatou i te faaamuraa i te feia poia. E ao to'na to tei faaere ia'na iho a horoa noa'tu ai ia vetahi ê tei roohia mai i te ati. E mea maitai te horoa i te farii. "O tei horoa i te taata rii ra eita oia e ere." Mas. 28-27. A rohi a faaapu i te maa huru rau, e ia rahi roa'tu â.

—*Farani Tuterera.*

TE POI TARO.

Ua tupu te tahi ohipa apî faufaa rahi i te fenua Havaii, oia hoi te Taviriraa Poi Taro ei hopoi atu i te fenua Amerika ia hoohia i reira. Ua riro ia ei maa au maitai na te mau taata Amerika e rave rahi, e te tupu ra te ohipa taviriraa poi ra i te rahiraa. Te tavirihia ra te poi i roto i te mau machine rarahi hororaa auahi aita te rima taata e rave noa'tu.

E pae taiete taviriraa taro te vai nei, e rave rahi te tane poi i hamanihia i te mahana hoê. Ua hi'opoahia te hamaniraa e te mau taote tia i haapaohia ei hi'opoa i te mau peu hamaniraa maa'toa no te fenua, ia ore te repo ia anoihia i roto i te mau huru maa e hoohia nei, ia hamani-viti-viti-hia râ.

Ua parauhia hoi e maa maitai roa ia te poi taro no te feia ma'i e no to tei paruparu te opu, e ua rahi te poi i hoohia na te mau fare ma'i.

Farani Tuterera.

TE RAAU TUMU NO TE ATI NEPHI E NO TE MAOHI HOL.

(Tuatiraa)

Eita râ te tumu o te mau tupuna no Amarika e oti i te haapapahia maoti ra e na te toto ati Iuda mai tei faaitehia i raro nei, oia hoi i te hopoi tîîraahia te arii no Iuda ra o Zedekia i Babulonia e i te taparahiraahia ta'na mau tamarii i mua i to'na mata, te poroiraa-mai-hia ra e te Atua te hoê pûpû taata ia haere mai i te fenua ra i Amarika. Hoê ia ahuru e ma hoê matabiti i muri a'e i to Lehi faarueraa ia Ierusalem i tupu ai teie nei mau mea. Tei rotopu ia ratou te tahi tamaiti i ta Zedekia o Muleka to'na i'oa. Ua ora mai oia i te taparahiraa a te mau nuu a Nebukanesa. E toto arii to'na, no reira ua topahia te fenua i tipaehia e ratou i to'na i'oa. Tei te pae apatoa ia no te tufaa fenua apatoerau no Amerika to ratou tipaeraa. Ei muri roa mai i aratai mai ai Mosia i te mau taata parau-tia no te fenua o Nephi na roto mai i te medebara i tae roa mai ai ratou i te fenua nohohia te huaai a Muleka ma, o Zarahemela te i'oa o taua vahi ra.

Riro a'era taua na nunaa e piti ra ei hoê. E te fenua i apatoa ra, ua topahia ia i Muleka no te mea e ua aratai te Atua ia Muleka i reira; e te fenua i apatoerau ra, ua topahia ia i te i'oa o Lehi no te mea e ua aratai te Atua ia Lehi i reira. E itea te tahi iho â mau haapapuraa i roto i te Omoni 1:15-22 e te Helamana 6:10 e II Arii 25:1-7.

E hi'opoa rii tatou i te mau opu mai te au i to ratou rahiraa ta taitahi: E ia na reira tatou ra e tamau ia tatou i roto i ta tatou feruriraa i te ture e te peu a to Iseraela. Taua ture ra, no te faaipoiporaa ia; te faaipoipo ra te mau taata no te mau opu i to ta ratou iho opu ana'e e tia'i, ia vai taa noa te mau opu te tahi i te tahi. E ia manuïa'tu ta ratou na reiraraa ua haamau maite-hia o ratou ta ratou tuatapaparaa tupuna mai te au i te parau i faaitehia i te Mataio, pene hoê no to Iesu ra hui tupuna, no roto ia i te opu o Iuda.

Teie te mau taata no roto mai i te opu o Manase maori râ—o Lehi, ta'na vahine o Saria e to raua pue tamaroa toomaha, toopae ia tane e hoê vahine. O to te opu o Epheraima ra o Isemaela ia, ta'na vahine, to raua tau tamaroa toopiti, e na vahine e toopiti no taua na tamaroa a Isemaela ra, e na tamahine toopae — tootoru ia tane e toovau vahine.

Atira noa'tu ia, te vai nei toovau tane e toovau vahine. Ua oti hoi ratou i te faaipoipohia mai te au e te tia ia faataata'tu i te fenua i hau a'e i te mau fenua atoa i te maitai—oia hoi te fenua no Iosepha.

Te parau i faaitehia no Muleka ma, te pŭpŭ taata no roto mai i te ati Iuda, e mea iti roa ia. E na reira ia e ore ai e nehenehe ia tatou ia faataa i te mau taata toto ati Iuda i amuihia i rotopu i te huaai a Iosepha. Area râ e mea rahi roa ia. Tei Mosia 25 ia te faaite-raa-hia:

“E teie nei, ua iti te mau tamarii a Nephi, oia hoi te hu-
aai o Nephi ra, i te mau taata o Zarahemela ra, oia hoi te hu-
aai o Muleka, e tei pee mai hoi ia'na i roto i te medebara ra.

“E ua iti hoi te mau taata o Nephi e te mau taata o Zarahemela atoa i te ati Lamana: e aore hoi ratou e tae i te afa ia taiohia.” Mosia 25:2, 3.

Ua ite papu râ tatou e, e ati rahiraa o te mau opu ta tai tahi o te faauehia mai ia e te Atua te horoa i te tupuraa e te faaau i te ora e te pohe mai te au i to'na hinaaro. E e ore oia i faatia ia morohi te hoê a'e iota a ore râ te hoê vahi iti a'e o ta'na ra parau; e aita atoa ia oia e faatia ia ho'i mai ia'na mai te faatupu-ore-hia. E faatupu râ ta'na parau i te ohipa ia i haaponohia'i e tia'i.

No te mea ra e, o Muleka no te utuafare arii ati Iuda oia e riro paha ia e hoê â ia toto to te feia i haere mai na muri a'e ia'na i Amarika. E iti râ te parau i faaroohia no ratou, no te faatia-ore-hia te parau no taua pŭpŭ taata ra i roto i te Buka a Moromona. Ua mana'ohia ra e te vetahi mau taata haapii Bibilia e, ua faahitihia te haere-ê-raa'tu Muleka ma mai Ieruselema atu i te fenua ra i Amarika, i roto i te faaite-

atea-raa na Ezekielā.

“E titiri au i tau upe‘a i nia ia’na, e fifi oia i roto i tau marei, e na’u oia e aratai i Babulonia, e ei reira vau e parau atu ai ia’na i ta’na hara i rave ia’u nei.

“E te feia amaha atoa no’na ra, e te mau pūpū atoa no’na ra, e hi’a ana’e ia i te ‘o’e; e te feia i toe ra, e haapura-rahia ia i na mata‘i atoa e maha ra: e ite hoi outou e, o vau teie o Iehova e parau nei.

“Te na ô maira te Fatu ra o Iehova; E rave atoa vau i tei nia i te amaa teitei i te arezi teitei ra, a tanu ai; e tope hoi au i te auru o te raau rii apî i te hoê mea iti apî ra, e na’u e tanu i nia i te mou’a teitei e te teniteni ra.” Eze. 17:20-22.

No te mea e no Zedekia te mau faahaparaa na Ezekielā i faaitehia i roto i te buka Ezekielā i te pene ahurn ma piti e te tahi â mau pene i mua’era, e riro ia e e mea tano teie nei tatararaa. Noa’tu râ ia, e nehenehe â ia ia hi’opoahia e te mau taata i taio i te Bibilia ma te aau marû e te inoino ore. “O te taio râ, ei haroararaa ia oia.” E taa noa ia tatou e e mea ûrûpupuhia te patereareha o Iakoba e Mose hoi i te Varua a te Atua, a faaite atea’tu ai raua i te mau haamaitairaa e tae mai i nia ia Epheraima raua o Manase i te fenua o Iosepha. E ua hi’o atu hoi ia taua na peropheta toopiti ra i te tufaa fenua i Amarika i te riroraa ei nohoraa no to Iosepha ra huaai.

Ua taio tatou i roto i te buka Genese i ta to Iosepha metua faanamuarā ia Epheraima ia Manase—te teina ia te faa-namuahia i te matahipo. Te faeite atura hoi Iaboka e e riro to raua huaai ei nunaa rarahi no te fenua nei. E taio tatou i te Genese, pene 49: 22-26. Te na ô maira taua parau ra e:

“O Iosepha ra, e ohi hotu ia, e ohi hotu i te pu o te pape ra; o tei toro to’na amaa na nia iho i te aua ra:

“Rahi noa to’na mauui i te feia te’a, o tei te’a mai iana, e te taiiroiro hoi ia’na;

“Te vai tia ra ta’na fana te etaeta te etaeta, e te puai ra tana rima i te mana o te Atua mana o Iakoba ra, no reira

mai te tiaï mamoe ra, te to'a pu o Iseraela ra:

“No te Atua o to metua tane ra, o te Atua e tauturu mai ia oe ra, no te Manahope ra, o tei haamaitai mai ai oe ra, i te mau maitai o te ra'i i nia ra, e te mau maitai o te moana e vai noa i raro nei, te mau maitai o te û e to te opu:

“Te mau maitai o to metua tane e hau ia i te mau maitai o tau mau tupuna ra, e tae roa'tu i te otia o te mau aivi vairaa mure ore ra, ia vai hua na i nia iho i te upoo o Iosepha, e nia iho i te tupuai o tei tae ê i rotopu i to'na ra mau tuaana!”

Ua faatupuhia teie atoa nei mau tohuraa na roto i te mau opu initia e ta ratou ra hui tupuna o te parahi i te fenua e vai ai te mau mou'a ta tahito e te mau aivi vai noa. Ua taea roa hoi ia na hopea o te fenua ra. E fenua faaauhia ia no te mau mea faufaa rahi no të ao nei. Te tupuraa te vetahi mau tohuraa e mea na roto ia i te papaa parau te “Buka a Moromona,” i pue ai te mau mea maitai rahi e rave rahi. Te Buka a Moromona o te raau ia na Iosepha i roto i te rima o Epheraïma e to'na mau hoa,—te mau opu o Iseraela o te faaopehia mai i nia i te fenua Amarika mai te mau hopea o ao nei. Ezekiel 37:15-19.

Te taatiraa i teie nei haapapuraa, o te heheuraa ia na roto mai ia Iosepha Semita (no te huaai ia a Epheraïma). Te haapii maira taua parau ra e o te rahiraa o te mau feia farii matamua'na i te Evanelia e te autahu'araa i te tau hopea nei, o te mau melo ia o taua utuafare a Epheraïma ra, i haapurarahia na te mau nunaa (Hosea 8:8). E no reira tei roto ia te raau a Iosepha, oia hoi te Buka a Moromona, i to ratou ra rima e te taatihia'tu nei ia i te raau no Iuda, oia hoi te Bibilia. E ua riro hoi na tuatapaparaa parau ei hoê i teie nei. No te haaputuputuraa ia i to Iseraela e te faatupuraa hoi i te ohipa rarahi i te tau hopea nei i na reirahia'i. Te fatata mai nei hoi te tau e faaho'i-tiamâ-hia'i Epheraïma raua Iuba e e pinai ia te mau mou'a o Iseraela i te arueraa'tu i te Atua no Aberahama, no Isaaka e no Iaboka. Ei ia'na te hanahana e amuri noa'tu. *Gelena Hubarada*



O to tatou orometua teie o Ato; tei roto hoi oia i te nuu faehau Amarika. Te rave itoito maitai oia i to'na ra tufaa ohipa ia upootia te tiamâ i te ao nei.



E hohoâ teie no to tatou hoa orometua o Ira e to'na ra taeae o Rafa. E faehou raua i nia i te hoê pahi manuâ Amarika e tei te paeau Europa i teie nei.

HISTORIAN'S DESK & NAVIGATOR

ua
va
e r
ma
te
hir
Ise

me
e t

e u
i te

pac
taa
mai
te p
i te

hia
i ta
toit
pinc

hine
outo
te h
eiah
E h

TE HIMENERAA MAITAI.

E rau te huru o te himene ta tatou i ite ra e te tahi pae ua neneihia ia i roto i te mau buka himene. Mauruuru roa vau no te mau himene maitai ra, ua riro ratou mai te huru e maa ia i to'u aau na. E mea tahito roa te himene; na te mau parau mo'a i haapii mai e, ua himene hoi te Atua e te pūpū fetia poipoi hou te hamaniraa o te ao nei. E taata himene hoi o Mose; "Ua himene ihora Mose e te tamarii a Iseraela i teie nei himene ia Iehova Exodo 15:1.

Ia roaa ia Iseraela i te pape i roto i te medebara ua himene amui ihora ratou i te himene, "E pihaa mai na i nia, e te apoo pape e." Numera 21:17.

Na Davida hoi i maiti te hoê mau taata ei pūpū himene e ua faataahia ratou no te raveraveraa i te himene i roto i te fare o te Atua.

Te faatupu nei te himene maitai ra i te faaroo, e te haapao maitai, e te itoitio hoi i roto i te aau o te mau huru taata. Ia tano maitai te himene e ia arataihia e te aratai ite maitai e mea navenave e te au maitai hoi te himeneraa. Mai te pape toetoe i te taata poiaha, oia'toa te himene au maitai i te feia haamori i roto i te pureraa.

Te oaoa nei au i te mea e faarahihia e e nenei faahou hia to tatou buka himene no te Ekalesia nei; e riro ia ei roto i taua buka ra e rave rahi te mau re'o apî; no reira e faaitoitio maitai i te haapii i teie nei mau himeneraa ia faaropinepine hia i roto i te mau haamoriraa.

E mea navenave te re'o o te mau taeae e te mau tuahine e te feia apî atoa hoi i ō i Tahiti ma, e taria tia hoi ta outou e ia himene ra e mea au maitai ia. Ia vitiviti maitai te himene e riro ia e mea maitai atoa te pureraa. No reira eiaha e.rû i te faea i te haapii i te mau himene apî Ekalesia. E haapii e e himene pinepine hoi te mau himene apî e te

mau himene tahito atoa hoi e na te Atua hoi outou e faautua.

E homa, e haamana'o na; i ò i te tama'i rahi i Farani a horo ai to tatou mau faehau no te mau nuu o na Hau amui i roto i te mau tama'iraa rarahi, te i nia hoi i to ratou utu te himene. E na te himene i riro ei faaitoitoraa maitai ia ratou i roaa'i te rê.

I te faaotiraa i teie nei parau te haamana'o nei au i te parau a Ioane i roto i te Apokalupo, pene 15 e e te irava 3 e te 4 o te na ô e; "Te himene ra ratou i te himene a te tavini o te Atua ra o Mose, e te himene a te Arenio ra i te na ô ra e E ohipa rahi e te faahiahia ta oe e te Fatu ra e te Atua Mana hope ra e; e haerea tia, e te parau mau ta oe, e te Arii o te feia mo'a ra e, e te faahanahana i to oe i'oe? o oe ana'e hoi tei maitai roa E hope atoa te mau fenua i te tae mai i mua i to aro ra a haamori ai; ua faaite hia ta oe ra mau utua tia."

Te faaoti nei au i ta'u papairaa ma te parauraa e, Ia ora na tatou i te aroha rahi o te tatou Fatu e tae noa'tu i te hopea, o te pure ia e te himene hoi o to hoa tahito e to taeae hoi o Tomo Vutupere.

TOAE A MAERE, Faaau Parau, Rue Dumont d'Urville, Orovini, Papeete, Tahiti.
ERNEST C. ROSSITER, Imprimeur, Rue Brea et de la rue Damont d'Urville, Papeete, Tahiti.